



11. Oktober 2022

UKA2022_114

Kalaallit Nunaanni sullivimmi avatangiisinut inatsisip allanngortinneqarnissaanut inatsisissatut siunnersuutip (Sullivimmi tarnikkut avatangiisit, isumannaatsuuneq aamma peqqinneq pillugit suliffeqarfiup suleqataanera, sulliviit naliliiffigineqartarnerinut piumasaqaatinik sukaterineq, Sullivinnik Nakkutilliisoqarfiup qisuariaateqarnissamut periarfissaanik annertusaaneq, paasisutissanik katersuineq, suliarinninneq aamma ingerlatitseqqiineq, suliffeqarfinnik isumaqatigiissuteqartarnerup ingerlasarnera, pillaatissiissutinik sakkortunerulersitsineq il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaarut (Isumaginninnermut, Suliffeqarnermut Nunamullu Namminermut Naalakkersuisoq)

Siumumiit suliniutiguassavarput innuttaasut peqqinnissakkut inooqatigiinnikkullu pitsaanerpaamik sullinneqarnissaat atugaqarnissaallu, tamanna aamma suliffeqarnikkut avatangiisitugut atuuppoq. Innuttaasut tamatta peqqinnartumik inuuneqarnissarput nammineq akisussaaffigaarput. Innuttaasut tamatta minnerunngitsumillu sulisitsisutut pisussaaffigaarput inoqatitta sulisullu peqqinnartumik inuunissaannut aqutissiuusseqataassalluta.

Siumup anguniarpaa Kikkut tamarmik naleqquttumik suliffeqarnissaat, kikkullu tamarmik peqqinnartumik suliffeqarnissaat peqqinnartumillu avatangiiseqarnissaat pingaartitaraarput. Suliffeqarfimmi Peqqissuuneq, Torersuuneq, Qiimasuuneq, Akisussaaffeqarneq – tassaasarput sulinissamik kajumilersitsisartut pingaarutillit. Suliffiup avatangiisitigut pitsaasumik aaqqissuussaannikkut pingaartinneqaraangami suliffik kajuminnartuusarpoq.

Sulerulunneq ilaatigullu sulerusussuseerunneq tassaasarpoq peqqinnanngitsumik avatangiiseqarneq, ass. Silaannalunneq oqummilluunniit eqqugaasimaneq, kiisalu aamma takornartaanngilaq illut pisoqalivallaat aserfallatsaaliorneqarnikuunngitsut kiisalu aamma sulliseqarnermikkut akukkamik illut pitsaanngitsumik inissisimaneq, tamatumalu kingunerisarpaa napparsimaqqajaaneq, suliffimmullu kajumissuseqannginneq.

Siunnersuuteqartup nammineq oqariartuutigaa, Napparsimaneq aammalu taamatut napparsimalluni sulinnngittoorneq assigiinngitsunik peqquteqartartoq. Sakkortuumik nuallunneq, toqqusaarlunneq, nuanneq, kræfteqarneq, uippakajaarneq, isumatsanneq allallu, Nappaatit assigiinngitsuupput assigiinngitsunillu katsorsartariaallutik. Sulisitsisoq pingaarpoq tamanna sulisumut ilisimaarinninnissai. Sulisitsisoq tatiginnittoq suliffigissallugu kajungernarnerpaaq.

Siumumiit anguniagaraarput Nunatta aningaasarsiornikkut isumannaatsuunissaa innarlernagu sulisarnerup sapaatip akunneranut 37,5 time ingerlanneqartalersinnaanera Siumup sulissutigissavaa, taamaaliorneq naammassisaqarsinnaassutikkut angusaasartunik apparsaarinerussanngippat. Tamanna aamma nunanialilerisatsinni misilittagarineqarpoq, takutippaalu assigiinngitsutigut pitsaaquteqartoq. Sulinerup attanneqarsinnaanera aamma naammassisaqarnerunneq anguneqartarsimasoq.

Siumumiit taamak oqaaseqarluta siunnersuut ataatsimiititaliamut susassaartumut ingerlateqqinneqarnissaa innersuussutigaa.

Lars Poulsen, Siumut